

怨
雲閣詩鈔

恪靖伯
書藏



靜一齋詩餘

菩薩蠻 對雪

幾枝瘦菊搖殘綠一簾雪影輝金谷愛上小樓看羣峯
展玉顏 雲開風色緩薄酒浮杯煖入暮凍痕融微陽
屋角紅

憶秦娥 憶梅

桐花鳳棲風斂翼驚寒重驚寒重小亭明月惹人吟誦
一溪流水聲初凍芳魂不醒春如夢春如夢未開先
落暮天三弄

菩薩蠻 冬夜

靜一齋詩餘

書帷燈影微微颺林梢淡月濛濛上寒氣逼窗紗風聲
老歲華 更深蓮漏靜繡被侵人冷雪意已安排梅花
開未開

意難忘 冬閨

露結霜濃悵年華似水近了殘冬春來何緩緩秋去太
怱怱梅冷淡竹龍鍾又雪舞長空便好將杯醺泛綠鑪
火圍紅 傳書不見飛鴻覺夜吟興倦曉鏡妝慵風痕
疏鬢霧寒色鎖眉峯收黛筆倚熏籠待檢點詩筒可柰
他分陰要惜催理鍼絨

百字令 寄玉夫外子

布帆纔卸甚風兒又把扁舟吹去落日寒煙山色遠極
目長沙何處倦鳥飛慵征鴻影匿別意憑誰語梁間雙
燕向人還訴歸緒 猶記舊歲今時雄心初起寫就陽
關句匹馬奔馳雙劍嘯壯志鴻飛鵬翥花落燕臺雲招
嶽麓更與窮愁遇天高難問索居閒詠新賦

擣練子

春晚

煙漠漠雨絲絲小院春寒步起遲杏臉羞人紅半瘦今
年又是落花時

滿江紅

落葉

萬馬宵奔秋聲鬧陰疏翠嶺曾幾日午傷春老又嗟風

靜一齋

詩餘

二

警蔣徑雲封苔莫埽吳江露結波先冷悵東君昔日甚
關情今誰省 啼鳥意棲鴉影憐餘蔭依殘梗記邀涼
長夏碧梧金井采綠事懷周道遠題紅人怨深宮靜縱
辭柯莫便歎飄零春無竟

醉清平

賞梅和外子韻

枝疏影橫今生幾生修來玉潔冰清信無雙是卿 香
醪共傾雲箋細評聯吟欲近三更正么禽夢醒

一翦梅

紅梅

翠羽低飛破曉煙傲冷風前素笑花前玉顏生暈醉無
言不要人憐可動人憐 細捻胭脂點素妍逸似逋仙

瘦是癯仙一枝紅占小桃先丰韻依然骨格依然

前調 折梅

傲骨棱棱綴玉英見自山城供向書城誤揉瓊藥碎無
聲香滿雲屏春滿雲屏 手把疏枝氣味清藉爾幽情
助我詩情素娥移照小窗明月也憐卿鏡也憐卿

擣練子

望家信不至

時已莫路非賒目倦心勞日又斜閒疊錦箋書別意更
無詩思到梅花

如夢令

蝶

兩兩同披羅綺款款來尋紅紫宛轉不勝風飛入碧紗

靜一齋 詩餘

三

裏堪喜堪喜捉上小鬟纖指

西江月

蝴蝶花

紅藥階前雨細碧蕉闌外春遲尋香低傍玉釵時恰是
曉妝初止 花裏丰姿渾異夢中身世還非東風吹得
柳依依猶自酣眠不起

十六字令

融吹得花開又落紅無聊賴轉入綠陰中

前調

驚午夢初回浙瀝聲鉤簾望花困不勝情

一叢花

詠紅白桃花

紅兒醉倚雪兒醒誰似此娉婷東風解釋凋零恨倒金
罍快意怡情月窟移來赤城畱得莫道不分明 濛濛
細雨溼無聲嬌靨帶愁輕仙源舊迹憑誰問倚雕欄對
影盈盈一樣情懷兩般丰韻各自可憐生

摸魚兒

詠蛙

怪生來衣青紆紫看誰如爾微幸怒懷不向滄溟吐祇
傍石窩苔徑喧暮井似草澤英雄躍馬相爭競吟餘睡
醒愛蚪蚪文奇將伊戲學字比爛冰勁 黃昏後休道
多言厭聽當年曾荷恩命五胡蹂躪中原路望斷華林
佳境歎故國繁華已付東流盡憑君莫問縱往事悠悠

靜一齋詩餘

四

終宵閣閣不盡爲官恨

水龍吟

秋望憶別

碧天雨過秋高夕陽紅處孤村遠卷簾凝睇平林如畫
飛雲未返露結蒹葭花疏蕓蓼別懷難遣悵征帆一葉
久懸心曲偏不共歸鴉轉 暮色蒼茫莫辨倚高樓情
長日短帶圍風小衣篝月淡去時秋淺尺素傳辭寸箋
達意幾番遲捫到今朝細劃蟾光十度又盈盈滿

滿庭芳

題衣仙女史廡下吟

湘水清腸吳波潔胃費他多少淘淘颺風輕唾珠玉自
勻圓最愛秦樓樂府橫黛筆鏤月飛泉紅窗下清歌一

曲鶯燕儘畱連
鸞牋吟不盡
麻衣黯淡葛楚纏
絲信
瑤池塵劫吹墮書仙
縱有并刀學製嗟不
似入樣連娟
憑誰奪裁餘段錦
貽我夢中天

鷓鴣天 秋日

桐子纖纖落地輕
一年容易又秋成
芙蓉猶白多芳韻
蛺蝶何因太瘦生
心黯淡意淒清
秋懷秋興不分明
辭巢燕子依人立
細語喃喃有別情

鷓鴣天 秋夜

倦理牙籤啟繡幃
碧天如洗片雲飛
桐孫影瘦臨風直
桂子香清著露肥
憐夜靜到更微
新詩欲寫費敲推

靜一齋 詩餘

五

別看空色描難就
玉鏡臺前月鬪輝

沁園春 西子

濃抹淡妝丰韻天然
其誰與侔
看涼凭玉檻魚驚
俏倩香拈蓮萼
花讓溫柔醉舞難支
輕颺更好不耐歡娛
祇耐愁嬌慵甚聽長廊
寂寂繡襪遲畱
春風無限綢繆
柰梧葉飄飄易感
秋悵臺遊麋鹿繁華
自歇苑鳴蟬雀
零落誰尤翠黛
猶新迴腸未斷
又泛平湖一葉舟
堪悲處把君恩萬種
付與東流

滿江紅 虞姬

痛隱千秋分爭處
誰爲故國論
往事殘民背約
入關先

失玉斗謀成隆準志楚歌聲盡重瞳力最堪憐天意屈
英雄真無術江東地難棲息樽前舞徒懷惻記當年
神勇只今空惜鐵甲寒霜豪傑淚吳鉤利送傾城色歎
從容一死縱酬恩悲何極

瀟湘夜雨

小青

帶緩鴛鴦妝銷鉛粉年華容易蹉跎春風染翠蹙雙蛾
愁欲困郎情已矣貞不改妾恨如何傷懷處幽窗冷雨
入耳偏多靈根夙悟心經一卷曾記無訛望慈雲稽
首淚溼輕羅形便化原同幻夢緣可斷難醒癡魔虔誠
願生生並蒂照影向瓊波

醉花陰

紅梅

靜一齋

詩餘

六

豔質亭亭寒不折細把燕支捏梅雪任爭春愛此紅顏
莫道梅輸雪孤山舊日冰霜節香影何曾別無語憶
林逋似醉如醺幽思憑誰說

送入我門來

立春

彩仗爭迎青旂慢颭條風乍送春還幾樹疏梅索笑破
愁顏纖纖勝子釵頭顫又小小牋兒簾外看問雲車霧
轡來從甚處倏到人間雙黛喜開遠岫單衣待裁薄
錦繡榻猶寒燼續熏鑪舊句且重刪絲傳綠韭珠盤潤
更酒薦黃柑金盞寬算香閨前後吟花詠柳莫放清閒

漢宮春

春閨

花信風柔向碧紗深處吹展雙眉明妝已罷翠箔猶自
低垂何因不捲柰輕寒尙把人欺合寄語窺簾燕子銜
泥緩著些歸剛是畫樓初下看樓頭嫩柳媚眼生姿
多情一闌秀色粉豔紛披飄揚點綴有蘼蘼戲蝶交飛
羅扇小應難撲得描來繡上春衣

瑣窗寒

春陰

弱雨難零癡雲不醒積陰凝暮窗紗靜掩鎖得篆煙成
霧試銷閒西園謾遊探他春色藏何處看柳眉未展桃
腮猶斂寂寥如故頻覩溪邊樹臙幾朵殘梅畱人緩
步韶光似此怎續池塘佳句問東君因甚自遲嫩姿祇
恐風易妒待明朝放了新晴著意勻紅素

倦尋芳

春雨

翠滋蘚石青潤蕉窗庭院風勁釀冷妝寒虛卻畫堂佳
景紫燕慵來梁上語曉鶯竝坐枝頭聽問嗁鳩把癡雲
喚出幾時纔醒早又是清明節候柳弱花慵都沒些
興負了芳辰恁地得成新詠別淚如珠添滿搦細絲千
縷穿難定祇虧他助湘波載將帆影

百字令

春風

彩旛飄後正愔愔沒有些兒閒處那更征帆南浦挂也

要吹開煙雨故國垂楊天涯芳草總是君爲主鶯花三月有情隨處無誤應已暖徧人閒皇州春色明媚今何許卻恐輕塵黏客鬢好向長途調護蝶夢難成蕉心未展默坐憑誰語笑伊如翦不裁離思千縷

慶清朝

春晴

簾卷鰕鬚檐暄鶻語雲師昨夜初還東風送將紅旭碾破春慳晝永不禁繡倦拋鍼閒步問花闌晴光嫩綠楊影下猶有輕寒鶯與燕蜂共蝶祇自向花柳徑裏盤桓安知萍蹤未定人事多端苦是駸駸隙影芳菲能得幾旬看韶華好且須玩樂休待闌珊

綺羅香

春景

靜一齋

詩餘

八

杏臉霞蒸桃腮酒暈春滿林園西北靜倚高樓晴旭照人如拭纔褪卻幾陣輕寒便妝就萬般春色最堪憐閣雨飛煙好風攪得渾無力溶溶南浦綠滿知是年時別處行蹤空覓燕雁初歸那識近來消息織愁紋柳縷鶯梭遮望眼亂山斜日羨飛雲此去長安片時能見得

沁園春

春望

望眼頻揩樓下晴波波上斜陽看層層遠岫青分秀黛茸茸芳草綠蔓吟腸亂灑燕支平鋪錦繡杏塢桃溪引興長仙源渺祇漁舟竹笛響破滄浪東風舞困垂楊

又飛絮紛紛落野塘笑有心栖燕空銜墜粉多情戲蝶
枉惜餘香隙影難畱年華易換誰共鶯花老醉鄉登臨
倦把春光一片寫入詩囊

滿江紅

送春

九十韶華曾費得幾番吟誦斜陽外無情杜宇頻頻催
送嫩綠千叢遮去路飛紅萬點隨歸鞵是東風多事接
春來添愁重閒卻了壺觴供消受了棊枰用便金鍼
停也彩毫慵弄燕子難傳畱別意桃花不醒遊仙夢歎
蕉窗鐙燼夜闌時晨鐘動

十六字令

靜一齋

詩餘

九

寒雪影霏霏怕倚闌梅花好要我卷簾看

如夢令

春夜

簾外晚風侵袂正是寒消天氣試看海紅枝斜倚玉闌
低睡春膩春膩花下暗蟲聲細

前調

夏夜

涼雨一簾飛過睡起空階閒坐愛殺小荷盤月映寶珠
千顆休墮休墮畱待素娥穿裏

前調

秋夜

雲淨月華如水好片清涼涼地小坐意如何塵慮一襟
初洗休睡休睡蟲語碎添詩思

前調 冬夜

梅蘂半瓶紅蕙翠鴨晚香濃
輒覓句到更闌忽覺凍生
銀管消遣消遣憑藉玉壺金盞

荆州亭

北土憶別

生小桂堂共住今日片帆征路
默坐憶容輝人在紅闈
靜處望極暮煙曉霧不見昭山
雲樹腸斷欲行時淚
眼熒熒相顧

西江月

殘柳

敗葉疏能受月殘條弱不勝煙
寒風作意老芳年讓雨
梅花清倩曲沼流泉凍玉長隄
暮雪飛絲愁魂銷盡

靜一齋

詩餘

十

倩誰憐祇有羣鴉棲戀

鷓鴣天

春草

幾處春泥襯落英纔過寒食又
清明調青細雨霏霏溼
帖翠微風翦翦生邀繡幃拂紅
纓短長亭外暮煙輕
萋萋會得東君意不道王孫有
別情

天仙子

北上途中詠柳

二月春風無著處弄色牽條勻
碧霧可憐吹得綠成陰
湘水渡遮難住細雨輕煙遊子
路欲縮飛花花不顧
也自紛紛飄落絮赤闌橋外幾
斜暉時已暮春光去別
緒依依空滿樹

江月晃重山 舟中同外子玉夫作

浩渺江天一色蒼茫雲樹千重遙看五兩趁南風鄉心
背飛鳥去吳中 幾見仙人跨鶴曾聞下士乘龍奇奇
幻幻一尊同層波底梁影架晴虹

水調歌頭 春暮

春事到三月好景易怱怱時序推遷如此安得巧從容
莫怨駒光難駐且看雙鬢似舊明歲再相逢別有戀人
處芳草綴殘紅 步苔徑來杏苑覓吟蹤惜花胡蝶猶
自飛向綠陰中知是韶華將盡祇合攜壺追賞痛飲醉
東風願彼有情者移受酒泉封

靜一齋 詩餘

十一

醉清平 偶成

枝頭烏鳴梁閒燕聲一般都是閒情動愁懷怎生看茶
煙細縈窗紗半局晝長清興堪乘譜新詞謾成時熟醉
九秋詞和玉夫外子

風入松 秋林

露珠零落晚秋心霜氣結平林幾番覓句隨吟眺西風
健吹透層陰新月雲邊依約夕陽鴉背升沈 一天離
思入羅襟目斷楚江潯疏疏寫出迂倪筆輕煙外綠瘦
紅深雖是家園難見也教數費登臨

千秋歲 秋寺

竹邊林畔靈刹何年建金碧耀丹青炫清音溪澗繞寒
色松雲亂遊不到半山梵響聽難辨善惡誰知岸陵
谷曾經變鈴語碎如吟歎客程秋夢冷覺路浮名絆車
過也一天靜思鐘聲遠

祝英臺近

秋煙

颺西風縈暮日秋意冷城郭極目騰騰直上與雲約莫
教縷縷分開濛濛如霧恐飛去天涯難託散還著近
水無數人家黃梁晚炊作鄉夢依稀欲附慮輕弱祇憐
無住無黏寥空飄舉不受一絲纏縛

洞仙歌

秋砧

靜一齋

詩餘

三

金風玉露已天時無暑素練家家動砧杵繡窗閒忽聽
清響愁人聲正急吟對銀釭不語薊城征路遠涼夜
丁冬仰見雙星自心苦待擣碎離情可柰情堅春蔥倦
音傳何許但願取長纓繫樓蘭莫負卻閨中此宵淒楚

清商怨

秋杵

征輪靜西風勁一杯清醕澆秋興離懷弱香衾薄有何
紛擾爲誰驚覺杵杵更籌永銀釭冷欲眠無寐聲
聲警山城角街簷落鳴雞相和暮蛙頻學閣閣

轆轤金井

秋燈

晚涼初暝繡窗深一點玉釭低照燄影青熒度疏簾風

小蓮籌數報正坐對謾吟聲悄碎藥垂垂瑤簪未剔飛
蛾頻蹈 蘭膏幾番欲燥記紅閨舊日阿姊同好光映
苔箋看詩成誰早鴻飛鴈杳試回憶熱心應惱逼出鄉
愁憑誰問訊不如眠好

蝶戀花

秋衾

紅陰芙蓉香欲透疊處層層巧繖誇金繡薄薄吳絲輕
裏就嫩寒恰稱清秋候 小病連朝如殢酒欹枕相依
蝶夢伶俜瘦記得殘春風雨後惜花長是拋離驛

連理枝

秋蟬

淡日桐陰靜夏夏來清聽激越輕揚短長搖曳助人吟

靜一齋

詩餘

三

興晚妝餘拈韻寫新聲正西風淒冷 飲露情懷迴子
潔誰堪並細意偏憐慧心能學鬢梳輕影笑螳螂探葉
欲相窺也應羞孤耿

臨江仙

秋蛩

秋意淒清風露冷小窗蛩語紛紜鳴鑪篆影靄殘雲夜
燈紅處聲切更憐人 籬下砌邊吟不斷素娥畱照殷
勤晚蟬低唱已宵分有情無意相和識其真

鷓鴣天

悼亡

庭樹聲清秋意生西風吹恨入銀屏十年行止如絲縛
三載情懷空淚傾 香未覓賦難成人間天上不分明

待看化鶴歸來日同奏樓頭紅玉笙

擣練子

冬閨

愁黯黯病淹淹寒透紗窗曉更添天又不晴風又緊梅
花香裏暫開簾

生查子

對月

輕籠薄薄雲淡掩明明雪點綴欲何如皎潔終難滅
纔道月如輪忽道眉如月生沒本無常銷長憑誰說

清平樂

初度

期先上已酌酒添悲喜四十行年空爾瞥眼五旬來
矣銷磨已是今生幾時幻夢纔醒欲把愁腸和解那

靜一齋

詩餘

古

堪雙鬢星星

一痕沙

憶舊遊

憶過瀟湘千里帆挂半江春水蕩漾入雲煙小遊仙
昔日山川城郭此日林泉溪壑風景也堪畱莫回頭

水龍吟

暮春感事

落紅滿院春殘雨絲柳綫籠深翠茶甌活火香添幽麝
纔醒午睡蝶板空敲鶯簧半老遣排無計更深林杜宇
頻催春去何能會悠悠意屈指年華暮矣怕思量那
時心志迴腸九曲舊愁未解新愁如醉鴻鴈無憑關山
有阻狼煙千里問英雄恁是飛來天上挽銀河水

荊州亭

秋思

心事不禁懊惱閒步藕花池沼觸耳又驚秋風向梧桐
到早怕憶勝游過了極目蒼煙晴昊舊恨續新愁併
入清虛幽渺

前調

夜涼夢至白水洞見起新起毅

梧葉一聲細響湘簾夜涼初爽忽地御冷風人在清溪
碧嶂執手喜銷悒快醒憶癯然形狀會得夢來因只
合隨時調養

夜飛鵲

七夕

明河靜無浪今夕星期靈鵲自向南飛冷冷玉露夜將

靜一齋

詩餘

六

半筵前香靄煙霏閨娃待分巧思已塵昏秋水數問蛛
絲閒情縱少度雲駟莫更來遲論到隔年離緒歡意
共愁心重壓修眉回憶長生情話仙緣永在塵世何其
悲歡聚散算人間此味曾知但孤鴻心折支持未了願
賜期頤

唐多令

偶書

積雪暗重雲閒愁入歲新小紅鑪薄酒能溫無奈此中
消未得纔遣去又還人寥落舊情親繁華事易陳話
悲歡識曲誰真屈指古今多事都只是鏡中春

踏莎行

送新毅兩男之湘陰

漏點催更雞聲促曙
恩恩行色要人去去
時知道有歸時離腸
可柰難分付曉月鉤
雲殘星隱霧疏林故
隔人行處倚閭莫訝
眼成癡此心已逐長
亭路

滌溪沙

春景

柳拂清池花滿廊紅
愁絲媚膩人腸慢吟
須要細評量繞樹早
鶯飛箇箇探芳蝴蝶
弄雙雙風光祇合付
瑤觴

前調

夏景

研匣塵侵新燕飛槐
陰正轉午風微未教
炎暑上羅衣細草念
春心似夢落花隨水
意如歸紅香賸喜在
薔

靜一齋

詩餘

七

薇

前調

秋景

曲沼香消蓮臉紅芭
蕉綠瘦小庭空不禁
愁思感飛蓬竹枕冷
聽殘夜漏葛襟涼怯
曉窗風秋陰盡日閉
門中

前調

冬景

瓦冷鴛鴦霜氣吹紅
鑪火活酒盈卮手寒
慵賭半枰碁凍雀倦
垂風外翼小梅香秀
雪中姿年光愛此不
多時

木蘭花慢

秋興

歎春回暑往慣畱得此中愁看遠岫微雲清溪落日人在高樓揮毫待吟短句聽喃喃燕語不禁秋無計除煩遣悶碧沈聊試茶甌蕉心層疊含憂魂不返淚空流恨罨風無信玉釵聲折素髮盈頭人生幾曾夢醒問滄波何處是瀛洲雖信風霜易老那能盃渡如舟

擣練子

秋感

蛩咽露燕驚秋戶牖綢繆事事憂試問此中方寸地如何容得許多愁

木蘭花慢

秋日寄筠心大姊

望丹山碧水豁塵眼一天秋聽紫燕唳煙元蟬咽露風

靜一齋

詩餘

六

冷平疇登樓試吟舊賦歎今來古往總悠悠天意炎涼易換世情翻覆多尤心頭銘刻兩眉愁知己恨難酬憶金分繡橐花傳綺席前事如流沈憂至今未解柰衷腸欲訴竟無由雖道延年有術五雲遮斷瀛洲

千秋歲

寄賀筠心姊遷居

鵲喧鶯語仙眷初移府人共樂春長住煙霞辭故宅鸞鳳占新寓誰許見玉樓綺戶春深處羽檄驚旁午明惠相扶助戎馬靖奇勳著雲龍聲氣合魚水英雄遇東閣外扶搖直接朝天路

如夢令

夜讀

雲被月輪推破竹影篩簾千个靜夜興如何書味大羹
難和頻坐頻坐小婢垂頭催臥

南鄉子

中秋對月

雲淨月華流滿挹金波瀉翠甌坐到高寒襟袖冷休休
病骨難禁半點秋如夢復如漚已負清光四十周舒
卻迴腸禁卻悠悠閒看池心碧玉毬

鷓鴣天

秋興

淡日微陰八月天猶多好景曲池邊白蘋花冷波三面
紅藕香殘玉一肩樓上燕樹間蟬問渠何事意淒然
西風吹落梧桐子滿地秋情粒粒圓

靜一齋

詩餘

九

西風憶秦娥

傷逝

天蒼蒼雨聲蕭瑟更聲長更聲長幾分愁病九轉迴腸
夢魂來去空微茫相看無語心徬徨心徬徨一聲雞
唱萬種淒涼

惜分釵

落花

芳心悄香魂渺玉顏秀靨風中老意闌珊恨無端葉底
金鈴樹外朱旛翻翻春將了花方惱攪人無奈林間
鳥莫須歎不須看欲待離魂倩女重還難難

鳳皇臺上憶吹簫

孫夫人

龍戰天池鳳占皇族豫州來臥東牀訝合歡簾內劍影

如霜天下英雄入弩絲幕下子細評量花叢裏心傾季
女膽怯劉郎 相將兩心自得鴛夢警干戈巧促行裝
冀此身終託山海情長不道阿兄謀拙舟一葉生斷柔
腸蟻磯水從教釀成萬古淒涼

水調歌頭

紅拂

天地毓奇氣巾幗有英雄鎖春朱戶深遠超出繡帷中
識得人間英傑解卻香閨玉佩青眼薄楊公妙手竟何
似蒼鶻落晴空 跨驄馬披紫綺任西東望中不意兄
妹奇遇合雲龍不有太原公子讓走虬髯豪士何處表
奇蹤卻歎衛公智猶遜女郎風

桂殿秋

鷹

靜一齋 詩餘

三

衰草地密雲天將軍走馬獵燕然重圍掩斷龍堆雪六
翻衝開鴈塞煙

擣練子

逢四八過重三輕煖微涼薄苧衫梅子酸黃香棟苦眼
前何物可回甘

桂殿秋

朝雨過晚霞烘蟲聲斷續小庭空疏簾遠映三更月石
砌驚飛一葉桐

桂殿秋

風釀雨雨牽愁蕭蕭瑟瑟夜無休三杯酒續三更夢一
滴聲含一點秋

唐多令

偶成

辛未夏日

槐日散炎氛松風解健人蕙蘭軒拈韻傾尊莫把閒愁
兜攬起風裏燭病中身
雛燕已成羣閒鷗未可親寄
衷懷滄海粼粼望斷蓬山元圃路青鳥使總因循
沈李浮瓜日午洗不去一襟煩暑暮靄成陰飄風送響
石砌亂蛩吟雨嘈嘈在戶欹側處病懷偏苦
栩栩春
駒能舞更有蜂衙臣主細意鳴秋哀音若訴做弄許多

靜一齋

詩餘

三

言語無情少緒祇須向豆棚吞吐

帝臺春

感舊

車轍馬跡紅塵共驅策曾幾載間頓把青絲催成華色
轉憶當年談笑處謾思念帝鄉風日更誰知好景無常
翻成愁國
醫不識香未覓淚盡滴恨難釋歎半世功
名幻如春夢一領素瓊猶昔歸渡吳江萬重浪居止楚
山數椽宅問泉路相思可般般追憶

江城子

辛未夏日

名花開後錦屏空草濛茸樹鬢鬆扶杖閒吟何事意
仲憶到衷腸無限淚流不下搵難窮
吳蠶三起欠成

功問天公歎無從拌此孤魂銷盡酒千鍾化作紛飛蝴蝶去隨上下任西東

風蝶令

雨葉飛難著風枝夢易驚小園秋色恁心情檻外蕭然黃菊乍含英秀帶餘香蒲單衣膩粉輕不禁清露曉泠泠祇有疏林紅葉共伶俜

齊天樂

詠月

一輪推起滄溟底高明朗開天際冷浸銀河光凝玉宇人在層樓無寐浮生倦矣歎春去秋來幾團愁思念故傷離此宵流盡不平淚飛觴誰又作賦更羈人成婦

靜一齋

詩餘

三

杯酒應醉鐵馬宵征金鉦夜起亦有英雄豪氣姮娥恁似問鍊就銀蟾屏除纖翳冷徧塵寰幾人心似水

擣練子

月夜小飲

開玉鏡捲湘波夜光的的走團荷碧欄杆金叵羅吟未愜醉顏酡人生碌碌幾高歌夜何其莫辭多

鷓鴣天

嬌女

晴翠雙籠秋水溶盈盈十五學盤龍丰姿明靚梅英月心葉溫 and 蘭葉風蟬霧碧鳳纖紅深閨遲日繡鍼慵閒吟笑問唐人句中晚名家誰最工

踏莎行

鬪蟋蟀

樂土初安雄心頓起銀盆鼓勇誇千里陳雲紅處彩旂
開堦前蛙鼓聲如此露冷雕欄風侵玉砌生涯應憶
平章第半閒堂外暮煙迷輸贏誰下興亡淚

十六字令

愁少緒無端不自由梧桐樹新月又如鉤

前調

空花映清池月在中繁華夢今古一輪同

浪淘沙

秋夜

煙外碎螢流桐葉敲愁金尊無柰此時秋洗盡炎氛心
似水明月當樓青鏡曉霜稠塵夢無休茫茫滄海一

靜一齋

詩餘

三

虛舟掠破閒愁生逸思飛起溪鷗

賀新涼

中秋待月

風起雲開未好秋宵瓊樓夜鎖素蛾猶睡安得高歌聲
遏處湧出冰輪似水邀素魄金尊同醉莫負團圓詩酒
興倚雕欄玉露沾衣袂清漏轉暗蛩細芳筵索寞嗟
無寐望疏林朦朧隱見喜如人意羽珮珊珊何處是爲
逐天風下墜雲路渺幽懷誰寄乞與靈丹勞玉兔許相
攜共作飛升計空幻想困塵累

桂枝香

秋光過半正白露霏霏冷捐團扇高散如來金粟桂華

初滿丹心最愛西風冷
恁梧桐碧陰傷晚水亭遲步畫
屏閒詠翠尊頻遣
憶月窟仙姿粲粲映碧海青天露
痕深淺惆悵雲梯高絕一枝空羨清芬此日羞蓬鬢算
知音鶴鶩蛩怨小山塵靜小窗人醉夢和香遠

沁園春

短髮飛霜病骨禁秋觸緒自驚憶琴堂舊夢笙歌日莫
東陵新藝溪壑雲橫一寸愚衷千年笨調鹽米堆中安
此生還堪遣有梁間語燕樹裏嘯鶯天公底事能平
祇歲序催人同此情任春華婉媚駸駸老大秋光圓滿
漸漸虧盈卷熟殘書杯深濁酒銷卻胸頭哀與榮牽愁
處聽空階促織尺寸須成

靜一齋詩餘

五

一翦梅 中秋寄德媼姪女

良夜西風動別愁分付金尊一寄離憂畫屏秋滿桂香
浮月映瀟湘人在吳頭別久清霜結鬢稠醉不成眠
夢也無由片雲飛盡意悠悠網得江魚未解傳郵

木蘭花 秋日懷德媼姪女

陰陰庭院天如霧睡鴨煙霏香一炷鴈聲遠帶別愁來
風意冷催秋色暮屏風八幅瀟湘路片片歸帆煙外
樹酒杯若會此時情醉送別魂江上去

梁州令 詠醉芙蓉憶德媼姪女

夢覺江聲繞清霜皎然侵曉珊珊玉骨倚西風幽姿雅
韻更比梨花悄 貞心不向東君道一醉除煩惱故人
此日芳尊遠對此醜顏相與共傾倒

聲聲慢

瀟湘夜雨

波沈斜照山吐濃雲飛來夜雨瀟瀟一棹輕寒驚回遠
夢無聊歸鴻帶書乍到爲冥迷低度深宵知此夜動湘
妃幽怨淚溼輕綃最是春秋佳處潤岸花紅透汀蓼
香饒桂楫疏簾明看曉漲平篙憑他玉琴洗耳和清聲
流水迢迢更未歇倒金尊閒讀楚騷

水調歌頭

洞庭秋月

靜一齋

詩餘

五

秋浪渺無際皓月湧冰盤半帆風意初定幽思滿湖天
四望乾坤清冷一曲霓裳誰度清夜杳飛仙試想廣寒
殿嬌舞鬪嬋娟越瓊嶼升碧漢照人間莫教有缺惟
願長似此團圓果是清輝先得快此扁舟遊賞一醉夢
悠然跨鶴覓佳句飛破岳陽煙

玲瓏四犯

江天暮雪

疊浪浮空正暮景同雲高結天藥素甲紛飛誰喚玉龍
初起江上袞袞紅塵忽幻做玉田清泚問素犯翦水搓
絲風裏素纖絨未小船無个漁翁倚祇歸鴉載飛江
溪禁寒會趁南枝約疏蘂盈盈臨水誰似訪戴高人費

卻扁舟清思想玉尊無價寒不覺春如此

眉嫵

山市晴嵐

望長天如鏡黛色凌空嵐氣霽朝雨樹裏人家在炊煙
外空青新畫眉嫵待揮楮素惜未能皴染如許祇須索
鏡裏文君貌有娟若空趣 千疊雲峯堪數愛髻螺聳
翠鬟碧籠霧一晌金烏下依稀見飛霞孤鷺齊度問誰
解賦繪色空摩詰詩句算千古雲山能幾度供吟覩

水龍吟

煙寺晚鐘

暮煙黏住飛霞寺鐘遠度山容紫莊嚴粉碧旂檀芳靄
夕陽林裏百八聲中空靈虛縹醉魂驚曳記祇園妙偈
來來去去空空意如斯耳 恍若慈雲過矣震高峯杳
茫透迤餘陰黯淡晴巒蔥蒨塞鴻千里鼎食心雄鼓詞
情厭幾人空爾聽消沈一瞬銀蟾浴浪看長鯨起

滿江紅

漁村夕照

兩兩三三共撐起半江風色飛櫂處日斜檣櫓浪翻丹
碧濁世浮沈高士志亂流明滅詩人筆看賓鴻飛影過
前川霞賤赤 蘆葦畔鮮鱗溼楊柳外炊煙直趁餘暉
沽酒醉吹橫笛芳樹斜銜新月細遠峯橫受飛鳥疾倏
然閒江影蕩明星餘空白

望海潮

遠浦歸帆

清流平遠行旌隱約樓頭望眼應真湖海壯遊琴書雅
興當年一舸輕分羈思感鱸純正荻花捲雪鷗鷺驚羣
桂楫蘭橈一帆風色趁歸雲 颯颯片影輕翻帶重湖
雨色湘浦波痕心旆共懸愁思並繫曾消幾度朝昏蘭
澤有芳蓀算扣舷詠嘯誰弔忠魂忽忽斜陽半鉤新月
映衡門

百字令

平沙落鴈

水澱沙淨聽西風正緊吹來燕塞鐵畫鉤人多別意折
斷斜陽煙靄岸柳驚霜汀蘋泛雪處處秋無奈江空天
遠亂峯橫影如黛 猶記海角天涯孤臣持節書字曾

靜一齋

詩餘

毛

經帶漢苑龍沙雲路近矗矗衡峯相背夢渺鄉關心傷
羈旅宛頸生凝睇暫依萍水幾時高翥天外

江月晃重山

步放翁韻

本自蘧蘧無著何須碌碌相干白駒難與駐行鞍遼東
鶴何日可飛還 最喜味和薑桂偏憐臭少芝蘭老松
蒼翠菊花寒銀瓶酒銷卻袖痕斑

朝中措

詠水仙花

襪羅輕曳水波寒紋石倚嶺岼伴我孤鐙細照憑誰一
曲輕彈 金尊慢酌清吟欲和解語應難待到三更夢
裏浮杯共渡江干

擣練子

雪景

垂玉筍挂冰絲石橋殘柳想依依好東風何日吹
春意淺酒休辭消寒誰與勸金卮小梅花暈臙脂

江月晃重山

雪月下賞梅花

已是黃昏院落還疑旭日簾櫳一輪高映玉壺中驚鴻
影宛若畫檐東冷浸雕欄獨倚香盈碧學誰同塵氛
淨絕意交融清寒味無處著春風

朝中措

詠卮中碎枝
蠟梅白梅

蜜脾香味漏蜂衙相倚玉無瑕莫訝風前殘雪休疑雨
後黃花青鐙半盞清詞數卷卮水生涯細倩三杯佳

靜一齋

詩餘

天

釀消絕世丰華

鶯囀序

壬申元夜感舊傷
逝步吳夢窗韻

華鐙慶逢令序喜銀蟾映戶憶當日良宴飛觴那知鐘
漏朝暮任嬉戲生香解肖紅芳自翦連枝樹醉相邀彤
管爭春謾吟風絮幾度隨肩鬪草印雪看雙鬢似霧
柰駒隙南浦扁舟別懷長隔情素費清辭燕鴻縹緲訴
離緒吳蠶絲縷願他年偕隱林泉約盟鷗鷺雙鳧一
去獨鶴悲鳴歎遠羈客旅悵此後鳳簫聲咽慘慘淒淒
鎖恨含憂半庭花雨行旌慢引孤篷低蔭江波平湧歸
期滯望鄉園未許崇朝渡垂楊兩岸空憐在昔風流竟

成敗葉零土 仙源聚首冷月秋圓惹淚凝袖芋鼓晚
權愵愵分袂便遡瀟湘故里重回彩衣隨舞輕塵易散
萱摧蘭悴常華今又傷重折恁哀思休使縈絃柱憑教
深付金尊少樂多愁素娥會否

水龍吟

元夜戲詠龍燈

雪晴冰泮春生臥龍躍破重湖浪乘時送喜靈光輝煥
人間天上舞榭春融歌樓月滿盡懷歡暢聽鈺鈔共奏
太平風景尊中酒休多讓 驀地轟雷驚放恣迴旋星
流雲蕩滄溟望隔玉京應在誰探珠藏瑞鳳斜鸞祥鸞
輕翥競呈嘉貺問何人巧思飛騰神物使行諸掌

靜一齋詩餘

无

浪淘沙

風雨遣悶

燈市恰纔收日嫩春柔風聲颯颯雨聲幽蕩漾簾波寒
不捲約住閒愁 鈴語訴枝頭倦柳迴眸紅梅零落舊
風流謾把金尊銷未得樹外唳鳩

錦堂春

春夜聽雨

東閣梅魂欲斷南園蝶夢無蹤年年春事花朝近都在
雨聲中 珠壓輕煙細細銀荷碎藥濛濛金錢擲破燈
花喜明日曉霞紅

錦堂春

落梅

枝上新鶯細碎堦前嫩草蒙茸凭欄何事牽心緒牆下

落英紅 閒殺懷香小鳳應憐拂水驚鴻三山望渺名
香斷惆悵玉堂風

南歌子 病中對水仙

旭日開冰鏡微風煖玉柯雪晴庭院喜春和可柰年衰
心倦病如何 夢醒蓮籌促愁深竹葉多盈盈無語助
清歌應信驚鴻仙袂乍淩波

沁園春 哭汝充大兄

卻艾披榛用舍惟賢不見古人歎重湖浪淨臣心似水
滄溟月冷宦夢如雲廿載辛勞千秋義憤閣何人圖
畫新軒裳貴祇到頭難得清白名存 交游此日誰親
記昔歲長開堂上樽看英芬尚在香森桂樹光風未遠
秀擢蘭蓀往事空悲餘年易盡休道蘧蘧幻境真牽愁
處又令原草綠無限傷神

百字令 輓孟翔姪

薤歌悲詠歎吾生半百頻揮清淚破浪雄心今已矣瘦
影梅花猶記 姪有與梅
比瘦圖 品潔芳蘭命艱磨蝸事事摧人
意玉樓何處碧雲高掩天際 曾念學在專經青鐙風
雨形管勤終歲塊磊難消今古恨杯酒且須沈醉孝友
爲懷服勞無倦未盡平生志九原追步竹林佳會應繼

汝充兄去歲

八月捐館

冷香齋詩餘

春衫初試柳絲黃

雨餘輕暖輕涼流鶯宛轉促晨妝

遍垂楊首芳草萋萋碧色新

迴廊多少春光

珠簾捲嫩涼

輕聲聲杜宇三更臨罷蘭亭閒坐風傳簷

馬清深院花香細細空階月影盈盈最是一庭修竹

添韻事助詩情

鳳栖梧 春晚

冷香齋 詩餘

轉瞬春光三月暮宿雨微晴翦翦輕寒度滿徑落英鶯

亂語聲聲似惜春將去 尚有薔薇開幾許綠嫩紅香

鳳子雙雙舞簾外花陰初轉午日長無事敲新句

煙柳絲絲青

妥風花點點紅稀懷君無緒啟羅幃看他

新燕子仍向舊巢飛 長日共拈彤管閒時靜理金徽

而今回首思依依春光看又盡何日見清輝

菩薩蠻 晚眺

繡餘閒步青苔院暖風微拂珠簾捲斜日下迴廊梨花

淡淡香高樓閒自上靜倚朱欄望片片晚霞新盈盈

月近人

鷓鴣天

暮春口占

仄仄輕寒褪袷衣清和天氣夏來時雨餘新綠連雲暗
風過殘紅滿院飛 焚百和理金徽新詞自詠送春歸
春駒不識韶華去猶逐餘香颺粉衣

水龍吟

白桃花

雨餘露井春生飛瓊夜翦瑤池雪新妝照水繁英如玉
幾枝初發洗盡鉛華消除塵垢望中幽潔但芬芳未了
枝頭杜宇偏只是曉聲徹 愛爾丰姿清絕倚雕欄不
言堪悅玉蘭沁露梨花帶雨丰神終別煙淨池塘日長
庭院鶯聲乍歇趁東風試把瓊枝摘取綠窗陳設

冷香齋

詩餘

二

十六字令

對月

團一片清華映碧欄詩情好對影愛高寒

清平樂

送春

斜風細雨又送春歸去小院流鶯時自語似欲畱春久
住 雨餘繡閣寒輕殘陽卻照疏楹試向妝樓閒望林
園狼藉花英

采桑子

初夏

闌珊花事春初去雨過園林翠竹陰森尚有輕寒透薄
襟 綠窗日永人聲靜曲罷瑤琴寶鴨香沈小立階前

漫短吟

百字令

秋望憶家

登高眺遠見長空萬里水天一色颯颯西風涼意動恰是清秋時節桂蕊香濃芙蓉露冷此際炎光歇倚欄凝望遠岫暮煙籠碧林際幾點歸鴉蛩聲滿耳樹杪如鉤月別恨淒涼吟未盡目斷雲山千疊岸柳蕭疏井梧零落總是關情切征鴻無信此意待憑誰說

滿江紅

夏夜憶慎娟大姊

小雨初殘蕉窗外炎威半歇試起捲湘簾閒望碧天如抹一樹蟬聲清冷露滿庭花影嬋娟月最關情梔子送

冷香齋

詩餘

三

清香離愁結封書字空親切思君意難安帖憶當年繡閣相依時節秀句頻敲元話好瑤琴漫譜清音徹悵而今雲水隔千重何能越

夜飛鵲

七夕懷諸姊妹和茹馨姑母原韻

意旨

長天已無暑佳節仙期妝罷自啟簾幃雙星拜後漏聲靜筵前涼氣侵衣飛螢乍來忽去望銀河淺淡鳳駕將移含情不語逐浮雲冉冉來時回首舊年情緒今夕盡安排花果蛛絲何意關山阻隔清輝難見尺素偏稀秋容似洗愛如鉤月影遲遲柰焚然離思推排不去轉

蹙雙眉

新鴈過妝樓 新秋

酷暑初收林園靜亂蟬遠樹清幽歲華欲晚梧桐又墜
新秋曲沼芙蓉半落繡幃低捲下妝樓引詩情夕陽樹
杪鴈陣雲頭 新詞幾番譜就倚朱欄眺望月影如鉤
素紈慵舉侵衣涼意輕柔紗窗篆煙半燼愛素盞芳蘭
氣味投知何處起一聲長笛清韻悠悠

減字木蘭花 晚望

繡牀初下覓句閒行來晚榭玉露金風幾樹疏黃閒老
紅 夕陽林際數徧歸鴉還小憩拂面香來籬畔秋花
次第開

冷香齋 詩餘

四

倦尋芳 秋日偶書

長天雨歇秋意蕭森遣興清晝翠茗時衰沈水自添金
獸捲珠簾步苔徑苧衣薄薄輕涼透訝年華竟愆近
了重陽時候 看籬下黃花開遍幾陣風生暗香盈袖
摘取歸來終日碧窗相守一抹殘霞天已暮晝屏秋靜
黃昏後寫風光入詩囊已成還又

滿庭芳 對月憶翰生妹

理罷殘妝晚涼輕透小雨纔歇長天片雲飛盡明月映
窗前一片清華似水吟望久興味悠然星稀候聲沈萬
籟清影十分圓 無眠更漏永金風細細玉露娟娟正

香添沈水茶熟龍團記得前時此際虛窗下謾擘紅箋
相望處山河閒阻別恨幾時捐

憶秦娥

上壽芝外子墓

風蕭瑟行程咫尺松林則松林側酒漿一獻紙錢飛雪
斑斑不盡嗟痕赤傷心此日空相憶空相憶泉臺路
杳幾時見得

連理枝

冬曉憶敬婚妹

旭日虛檐映夢轉紗窗冷素幕低垂玉匳塵滿小妝慵
整對菱花不語感雙娥奈歸期無準薄醉渾難醒可
耐風聲勁舊恨新愁別懷離緒有誰能省聽天邊嘹唳

冷香齋

詩餘

五

塞鴻歸屢鸞箋問訊

浪淘沙

月夜偶成

微雨喜初殘皓魄新圓傳書何處覓歸翰默坐小窗無
意緒試捲簾看風冷怯衣單玉宇高寒青天無際夜
漫漫對此清華增逸興覓句憑欄

水龍吟

春日刺繡與玉耕女姪分韻

長空小雨微晴疏簾半捲東風緊吳絲乍褪越羅初試
輕寒猶賸屏卻煩囂閒描繡譜深閨清靜正參差未就
垂楊解意虛窗外搖纖影繡遍春三好景愛平林綠
陰遮徑粉蝶翩翻花枝娥媚雀兒明淨夕照低檐鍼絨

檢點香添鳳餅共推敲秀句新詞別有一般清興

琴調相思引

送別少華妹

乍暖還寒雨後天征鴻嘹唳別懷牽可憐春半南浦草
如煙目斷魂消人不見意長箋短恨難傳不禁回首
清淚一漣然

訴衷情

舟中寄玉耕女姪

輕寒釀就暮春天風雨別懷牽那更雙魚信杳目斷楚
江邊情默默意絲絲擲金錢試問歸期是梅花後柳
花前

燭影搖紅

春暮寄懷慎姊

冷香齋

詩餘

六

秋水長篇鎖窗閒自消清晝棟花風冷惜春歸早是清
和候小院落英鋪繡點蒼苔蝶翻蜂驟惜花心倦對景
情牽因花懷友鴈足無憑伊蘭雅韻空回首夢魂無
奈幾關山後會應難偶眉上愁新並舊譜離懷新聲未
就路長誰寄句短難宣推敲還又

蝶戀花

秋日憶孟翔弟

風雨蕭疏秋欲盡砌菊堆金早又重陽近過鴈嗷嗷雲
際影一聲聲起離人恨小院黃昏人語靜卜鵲憑著
望斷雙魚信萬縷愁腸誰可問遣排惟有拈新韻

憶秦娥

秋夜懷歸

秋容老蒹葭露結寒生早寒生早羅衣欲換玉釭低照
清尊漫酌歸心渺追思往事愁多少愁多少吟蛩聲
細塞鴻悲悄

憶江南 病中哭母

秋意盡風雨更愁濃此日傷心徒飲泣攀號莫遂恨難
窮望斷楚山重

又

嗟永訣罔極痛成空二豎銷磨眠未穩夜臺清夢杳無
蹤何處見慈容

琴調相思引

答慎娟靜齋二姊寄懷
之作時筠心姑母見背

冷香齋詩餘

七

素錦裁成寫恨深一回披玩一沈吟寸腸如結血淚更
沾襟過過鴈聲悲殘月冷篆浮香靄碧窗陰此情難遣
相憶定同心

望遠山重

好意盡風雨更愁濃此日傷心徒飲泣攀號莫遂恨難
窮望斷楚山重

新正南

病中哭母

臨塞詞悲詞

新正南

好意盡風雨更愁濃此日傷心徒飲泣攀號莫遂恨難
窮望斷楚山重

好意盡風雨更愁濃此日傷心徒飲泣攀號莫遂恨難
窮望斷楚山重

